

В субботу на велицей вечерни.

На Господи, воззвах, поставим стихов 10: и поем стихиры воскресны, глас 8.

1. Стих: Изведи из темницы душу мою, / исповедатися Имене Твоему.

Вечёрнюю пёснь, / и словёсную слúжбу, / Тебе Христе прино́сим, // яко благоволил еси помиловати нас Воскресéнием.

2. Стих: Мене ждут праведницы, / дондежé воздаси мне.

Гóсподи, Гóсподи, / не отвержи нас от Твоегó лица, // но благоволи помиловати нас Воскресéнием.

3. Стих: Из глубины воззвах к Тебе, Господи, / Господи, услыши глас мой.

Рáдуйся, Сиóне Святы́й, / мати церквей, Божие жилище: / ты бо прия́л еси пёрвый // оставление грехов Воскресéнием.

Восточны три, глас тойже.

4. Стих: Да будут уши Твои / внимлюще гласу моления моего.

Еже от Бога Отца Слово, / прежде век Рóждшееся, / в последняя же вре́мена, / Тоежде от Неискусобрачныя воплощенное во́лею, / распятие смёртное претерпé: / и древле умерщвлénнаго челове́ка // спасе Своим Воскресéнием.

5. Стих: Аще беззакония назриши, Господи, Господи, кто постоит? яко у Тебе очищение есть.

Еже из мертвых Твое Воскресение славословим Христе, имже свободил еси Адамский род от адова мучительства: и даровал еси миру яко Бог жизнь вечную и велию милость.

6. Стих: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Слава Тебе, Христе Спасе, Сыне Божий Единородный, пригвоздивыйся на Кресте, и воскресый из гроба тридневен.

7. Стих: От стражи утренния до нощи, от стражи утренния, да уповает Израиль на Господа.

Тя славим, Господи, волею нас ради Крест претерпевшаго, и Тебе поклоняемся Всесильне Спасе, не отвержи нас от Лица Твоего: но услыши и спаси нас Воскресением Твоим Человеколюбче.

Таже минеи стихиры святому. Слава святому, аще имать. Аще ли ни, Слава и ныне: Богородичен.

Слава и ныне: Догматик, глас 8:

Царь Небесный,/ за человеколюбие на земли явися,/ и с человеки поживе:/ от Девы бо Чистыя плоть приемый,/ и из Нея прошедый с восприятием./ Един есть Сын, сугуб естеством,/ но не Ипостасию./ Темже совершенна Того Бога/ и совершенна Человека воистину проповедающе,/ исповедуем Христа Бога нашего:/ Егоже моли Мати Безневестная,// помиловатися душам нашим.

На стиховне, глас 8:

Возшел еси на Крест Иисусе,/ снизшедый с Небесе,/ пришел еси на смерть, Животе Безсмертный,/ сущим во тьме Свет истинный,/ к падшим всех Воскресение:// просвещение и Спасе наш, слава Тебе.

Стих: Господь воцарися,/ в лепоту облечеса.

Христа славословим,/ воскресшаго от мертвых:/ душу бо и тело прием,/ страсти отъобюду отсече,/ пречистей убо души во ад сошедшей,/ Егоже и плени:/ во гробе же истления не виде святое тело,// Избавителя душ наших.

Стих: Ибо утверди вселенную, яже не подвижится.

Псалмы и песньми славовловим, Христе, от мертвых Твое Воскресение: имже нас свободил еси мучительства адова, и яко Бог даровал еси жизнь вечную и велию милость.

Стих: Дому Твоему подобает святыня, Господи, в долготу дней.

О, Владыко всех Непостижиме, Творче небесе и земли, крестом пострадавый, мне безстрастие источил еси: погребение же прием, и воскрес во славе, совоскресил еси Адама рукою всесильною. Слава Твоему тридневному востанию, имже даровал еси нам вечную жизнь, и очищение грехов, яко Един Благоутробен.

Слава и ныне: Богородичен:

Безневестная Дево,/ Яже Бога неизреченно зачещи плотию,/ Мати Бога Вышняго,/ Твоих рабов мольбы прими, Всенепорочная,/ всем подающи очищение прегрешений:/ ныне наша моления приемлющи,// моли спастися всем нам.

Таже, Ныне отпускаеши: Трисвятое. И по Отче наш:

Тропарь воскресен, глас 8:

С высоты снизшел еси, Благоутрѣбне,/ погребение приял еси триднѣвное,/ да нас свободиши страстей,// Животе и Воскресение наше, Господи, слава Тебе.

Слава и ныне: Богородичен:

Иже нас ради Рождейся от Дѣвы,/ и распятие претерпѣв, Благій,/ испровѣргий смѣртию смѣрть,/ и Воскресѣние явлей, яко Бѣгъ,/ не прѣзри, яже создал еси рукою Твоѣю,/ яви человеколѣбие Твое, Милостиве,/ приими Рѣдшюю Тя Богородицу, молящуюся за ны,// и спаси, Спасе наш, люди отчаянные.

В неделю на утрени.

По шестопсалми.

Бог Господь, и явился нам: **на глас 8, и глаголем тропарь воскресен:** С высоты снизшел еси: **Дважды. Слава и ныне: Богородичен: Иже нас ради рождейся от Девы: Таже обычное стихословие Псалтира.**

Степенна, глас 8: Ихже стихи повторяюще поем.

От юности моя враг мя искушает, сладкими палит мя: аз же надеяся на Тя Господи, побеждаю сего.

Ненавидящи Сиона, да будут убо прежде исторжения яко трава: ссечет бо Христос выи их, усечением мук.

Слава: Святым Духом, Еже жити всяческим: Свет от Света, Бог Велик: со Отцем поем Ему, и с Словом.

И ныне, тойже.

Прокимен, глас 8: Воцарится Господь во век, Бог твой Сионе, в род и род.

Стих: Хвали душе моя Господа, восхваляю Господа в животе моем.

Канон воскресен. Глас 8:

Песнь 1

Ирмос: Колесницегонителя фараѣня погрузи,/ чудотвориай иногда/ моисейский жезл, крестообразно поразив,/ и разделив море:/ Израиля же беглеца, пешехѣдца спасе,// песнь Бѣгови воспевающа.

Катавасиа: Отверзу уста моя:

Песнь 3

Ирмос: Утверждай в начале небеса́ разумом,/ и землю на водах основа́вый,/ на камени мя, Христе, заповедей Твои́х утверди́,/ яко несть свят, па́че Тебе́// Еди́не Человеколю́бче.

Песнь 4

Ирмос: Ты моя крѣпость Господи,/ Ты моя и си́ла,/ Ты мой Бог, Ты мое ра́дование,/ не оставль недра Отча,/ и нашу нищету́ посетив./ Тем с пророком Аввакумом зову́ Ти:// силе Твоей сла́ва Человеколю́бче.

Песнь 5

Ирмос: Вскую мя отрину́л еси́/ от лица Твоего Свете незаходи́мый,/ и покрыла мя есть чуждая тма́ окаяннаго;/ но обрати мя, и к свету за́поведей Твои́х// пути моя напра́ви, молюся.

Песнь 6

Ирмос: Очи́сти мя Спа́се,/ многа бо беззаконія моя́,/ и из глубины зол возведи, молю́ся:/ к Тебе бо возопих, и услы́ши мя,// Боже спасѣния моего.

Кондак воскресный, глас 8:

Подобен: Яко начатки:

Воскрес из гроба, умершия воздвигл еси,/ и Адама воскресил еси,/ и Ева ликует во Твоем воскресѣнии,/ и мирстии концы торжествуют,// еже из мертвых востанием Твоим, Многоми́лостиве.

Песнь 7

Ирмос: Божия снизхождѣния/ огонь устыдеса в Вавилоне иногда:/ сего ради отроцы в печи радованною ногою,/ яко во цветнице ликующе пояху:// благословен еси Бо́же отец наших.

Песнь 8

Ирмос: Седмерицею пещь/ халдейский мучитель богочестивым неистовно разжже́,/ силою же лучшею спасены сия видев,/ Творцу и Избавителю вопия́ше:/ отроцы благословите, священницы воспойте,// людие превозносите во вся́ веки.

Песнь 9

Ирмос: Ужасеса о Сем небо́,/ и земли удиви́шася концы́,/ яко Бог явися человеком плóтски,/ и чрево Твое бысть пространнейшее небес./ Тѣм Тя́ Богородицу,// ангелов и человек чиноначалія велича́ют.